



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: UP1:01-50-2-1072-2/23
Sarajevo, 24.03.2023. godine

Na osnovu člana 14. stav (2), a u vezi sa članom 11. stav (3) i članom 12. stav (2) tačka b) Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13) i člana 210. Zakona o upravnom postupku („Službeni glasnik BiH“, br. 29/02, 12/04, 88/07, 93/07 i 41/13), rješavajući po zahtjevu advokata Mahira Hinovića iz Jelaha za slobodu pristupa informacijama od 2. 3. 2023. godine, šefica Kabineta - savjetnica ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

ZAKLJUČAK
o nemogućnosti postupanja po zahtjevu

Zahtjevu advokata Mahira Hinovića iz Jelaha od 2. 3. 2023. godine se ne može udovoljiti zbog nedostatka formalnih uvjeta.

O b r a z l o ž e n j e

Dana 2. 3. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama, u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon), obratio se advokat Mahir Hinović iz Jelaha.

U zahtjevu je navedeno da se omogući pristup informacijama kojim se traži dostava kopije sljedeće dokumentacije: *dozvola/dopusnica/licenca za BOSNA E&E TOURS d. o. o. Travnik na međunarodnim autobuskim linijama za period od 2020. godine do podnošenja zahtjeva a koje u redu vožnje imaju predviđeno zaustavljanje na autobuskoj stanici u Zenici.*

Uvidom u predmetni zahtjev, Ministarstvo je utvrdilo da je zahtjev podnesen u skladu sa stavom (1) člana 11. Zakona, no iz njega je vidljivo da ne sadrži dovoljno podataka o sadržaju informacija kako bi ovaj organ proveo redovne aktivnosti u cilju pronalaženja traženih informacija. Stoga je zatraženo da podnositelj zahtjeva konkretno navede akt ili akte koji će pružiti dovoljno podataka o prirodi i/ili sadržaju informacija traženih zahtjevom, odnosno konstatirano da podnositelj zahtjeva ne ispunjava uvjete iz stava (2) tačke b) člana 11. Zakona.

Na osnovu navedenog, Ministarstvo je aktom broj UP1:01-50-2-1027-1/23 od 7. 3. 2023. godine od podnosioca zahtjeva zatražilo dopunu zahtjeva za slobodu pristupa informacijama, i to na način da konkretno navede akt ili akte koji će pružiti dovoljno podataka o prirodi i/ili sadržaju traženih informacija i sve u roku tri dana od prijema dopisa kako bi moglo postupiti u skladu sa odredbama navedenih zakona. Uzimajući u obzir da dopuna zahtjeva nije zaprimljena u Ministarstvu u traženom roku, predmet je riješen prema stanju u spisu.

Imajući u vidu činjenicu da podnositelj zahtjeva nije ispunio formalne uvjete iz člana 11. stav (2) tačka b) Zakona, odnosno da nije dopunio svoj zahtjev, čime nije dokazan pravni osnov za dobijanje traženih informacija, primjenjujući član 12. stav (1), odlučeno je kao u dispozitivu ovoga Zaključka.

Uputstvo o pravnom lijeku: Protiv ovog zaključka dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Instituciji ombudsmena za ljudska prava Bosne i Hercegovine, Akademika Jovana Surutke br.13, 78000 Banja Luka.



Dostavljeno:

1. Advokat Mahir Hinović, Vukovo 150, 74264 Jelah;
2. U spis predmeta;
3. a/a.